

四庫全書

集部

欽定四庫全書

石倉歷代詩選卷五十一

明 曹學佺 編

中唐五

皇甫冉

字茂政
潤州人

與張補闕王鍊師同舟南下雜題

朝朝春事晚泛泛行舟遠
淮海思無窮悠揚煙景中
幸將仙子去復與故人同
高枕隨流水輕帆任遠風
鐘聲

野寺迥草色故城空送別高臺上徘徊共惆悵懸知白
日斜定是猶相望

屏風上各賦一物

不是向空林應當就盤石白雲知隱處芳草迷行跡如
何祇役心見爾携琴客

曾東遊以詩寄之

出郭離言多迴車始知遠寂然層城暮更念前山轉縱
轡越城卑浮舟背梁苑朝朝勞延首往往若在眼落日

孤雲還邊愁速楚關如何淑花發復對遊子顏古寺杉
枯裏連檣洲渚間煙生海西岸雲見吳南山驚風掃蘆
荻翻浪連天白正是揚帆時徧逢江上客由來許佳句
况乃愜所適嵯峨天姥峰翠色春更碧氣淒湖上雨月
淨剡中夕釣艇或相逢江籬又堪摘迢迢始寧野蕪沒
謝公宅朱槿攢列墉蒼苔徧幽石顧予任疎懶期爾振
羽翮滄洲未可行須售金門策

送段明府

遙夜此何其霜空殘杳靄方嗟異鄉別
整是同公會海林秋更踈野水寒猶大
離人轉吳岫旅雁從燕塞日夕望前期
勞心白雲外

題裴二十一新園

東郭訪先生四郊尋隱路久為江南客
自有雲陽樹已得閒園心不知公府步
開門白日晚倚杖青山暮果熟任霜封
籬踈從水渡窮年常牽綴往事惜淪悞
唯見耦耕人朝朝自來去

寄高雲

南徐風日好，悵望毗陵道。毗陵有故人，一見恨無因。獨
戀青山久，惟令白髮新。每嫌持手板，時見着頭巾。煙景
臨寒日，農桑接仲春。家貧仍嗜酒，生事今何有。芳草徧
江南，勞心憶攜手。

送張南史

馬卿工詞賦，位下年將暮。謝客愛雲山，家貧身不閒。風
波杳未極，幾處逢相識。富貴人皆變，誰能念貧賤。岷有

經霜草林多故年枝俱應待春色獨使客心悲

送薛判官之越

時難自多務職小亦求賢道路無辭遠雲山併在前
樟亭待潮處已是越人煙

送魏中丞還河北

寧知貴公子本是魯諸生上國風塵舊中司印綬榮
辛勤戎旅事雪下護羌營

送竇叔向

楚客怨逢秋，閒吟興非一。
棄官守貧病，作賦推文律。
樵徑未沾霜，茅簷初負日。
今看泛月去，偶見乘潮出。
卜地會為隣，選依仲長室。

送鄭二員外

置酒竟長宵，送君登遠道。
羈心者旅雁，晚泊依秋草。
秋草尚芊芊，離憂亦渺然。
元戎辟才彥，行子犯風煙。
風煙積惆悵，淮楚殊飄蕩。
明日是重陽，登高遠相望。

寄劉方平

坐憶山中人窮棲事南畝煙霞相親外墟落今何有
潘郎作賦年陶令辭官後達生貴自適良願固無負田取
潁水流樹入陽城口歲暮憂思盈離居不堪久

酬裴十四

淮海各聯翩三年方一見素心終不易玄髮何須變舊
國想平陵春山滿陽羨隣雞莫遽唱共惜良夜晏

澧水送鄭豐鄆縣讀書

麥秋中夏涼風起送君西郊及澧水孤煙遠樹動離心

隔岸江流若千里
早年江海謝浮名
此路雲山慙爾情
上世傳經俱在口
秦人如見濟南生

江草歌送盧判官

江臯兮春早
江上兮芳草
雜蘼蕪兮杜蘅
作叢秀兮欲
羅生遙隱隱兮
經長行
雨中深兮煙中淺
目眇眇兮增愁
步遲遲兮堪寥
灑之浦湘之濱
思夫君兮送美人
吳洲曲兮楚鄉路
遠孤城兮依獨戍
新月能分衰露時
夕陽照見連天處
問君行邁將何之
淹泊汜汭風日遲
處處

汀洲有芳草王孫詎肯念歸期

月洲歌送趙列還襄陽

漢之廣矣中有洲洲如月兮水環流流聒聒兮湍與瀨
草青青兮春更秋苦竹林香楓樹樵子農師幾家住萬
山飛雨一川來已容歸船傍洲去歸人不可遲芳杜滿
洲時無限風煙皆自悲莫辭貧賤阻心期

登山歌

青山前青山後登高望兩處兩處今何有煙景滿川原

離人堪白首

無錫惠山寺流水歌

寺有泉兮泉在山，鏘金鳴玉長潺潺。作潭鏡兮澄寺內，
泛巖花兮到人間。土膏脉動知春早，隈隩陰深長苔草。
處處縈迴石磴喧，朝朝盪漉山僧老。僧自老松自新清，
流活活無冬春。任疏鑿兮與汲引，若有意兮山中人。徧
依佛界通仙境，明滅玲瓏媚林嶺。宛如太室臨九潭，詎
減天台望三井。我來結綬未經秋，已厭微官憶舊遊。且

復遲迴猶未去此心祇為靈泉留

酬權器

南望江南滿山雪此情惆悵將誰說徒隨羣吏不曾閒
願與諸生久為別聞君靜坐轉耽書種樹菁茅還舊居
終日白雲應自足明年芳草又何如人生有懷苦不展
出入公門猶未免迴舟朝夕待春風先報華陽洞深淺

巫山峽

巫山見已東迢迢出半空雲藏神女館雨到楚王宮朝

暮泉聲落寒暄樹色同清疎不可聽偏在九秋中

長安路

長安九城路戚里五侯家結束趨平樂聯翩抵狹斜高樓臨遠水複道出繁花唯見相如宅蓬門度歲華

西陵寄靈一上人

西陵遇風處自古是通津終日空江上靈山若待人江洲寒事早魚鳥興情新迴望山陰路中心有所親

酬張二仲

吳洲見芳草楚客動歸心
屈宋鄉山古荆衡煙雨深
艱難千載別羈旅四愁侵
江海時相見唯聞梁甫吟

與諸公同登無錫北樓

秋興因危堞歸心過遠山
風霜征雁早江海故人閒
驛樹寒仍密漁舟晚自還
仲宣何所賦祇歎在荆蠻

送顧良佐新安

由來山水客復道向新安
半是乘潮便全非行路難
晨裝林月在野飯浦沙寒
嚴子千年後何人釣舊灘

賊中送權三兄弟

淮海風濤起江關幽思長
同悲鵲繞樹獨作雁隨陽
山晚雲和雪汀寒日照霜
由來濯纓處漁父愛滄浪

送蔣評事往福州

江上春常早閩中客去稀
登山怨迢遞臨水惜芳菲
煙樹何時盡風帆幾日歸
還看復命處盛府有光輝

酬李司兵直夜見寄

江城聞鼓角旅宿復何如
寒月此宵半春風舊歲餘
徒

云資薄祿未必勝閒居見欲扁舟去誰能畏簡書

送唐別駕赴郢州

莫歎辭家遠方看佐郡榮長林通楚塞高嶺見秦城雲
向曉關下人從郢路迎翩翩駿馬去自是少年行

送廬山人歸林慮山

無論行遠近歸向舊煙林寥落人家少青冥鳥道深白
雲長滿目芳草自知心山色連東海相思何處尋

送常大夫加散騎常侍赴朔方

故壘煙霞後新軍河塞門
金貂寵漢將玉節度蕭關
瀟漫沙中雪依稀漢口山人知
寶車騎計日勒銘還

寄劉八山中

東臯若近遠苦雨隔還期
閏歲風霜晚山田收穫遲
茅簷燕去後樵路菊黃時
平子遊都久知君坐見嗤

九日寄鄭豐

重陽秋已晚千里信仍稀
何處登高望知君正憶歸
還當採時菊定未授寒衣
欲識離居恨郊園正掩扉

秋夜寄所思

寂寞坐遙夜清風何處來天高散騎省月冷建章臺
隣笛哀聲急城砧朔氣催芙蓉已萎絕誰復可為媒

賦得郢路悲猿

悲猿何處發郢路第三聲遠客知秋暮空山益夜清
啾深衆木噉噉入孤城坐覺盈心耳倏然適楚情

清明日青龍寺上方賦得多字

上方偏可適季月况堪過遠近水聲至東西山色多夕

陽留徑草新葉偏庭柯已度清明節春深奈客何

雨雪

風沙悲久戍雨雪更勞師絕漠無人境將軍苦戰時山
川迷向背氛霧失旌旗祇念天涯隔辜茲芳草期

送劉兵曹還隴山居

離堂徒燕語行子但悲辛雖是還家路終為隴上人先
秋雪已滿近夏草初新唯有聞羌笛梅花曲裏春

送元晟歸潛山所居

深山秋事早歸去復何如
裊露收新稼迎寒葺舊廬
題詩即招隱作賦是閒居
別後空相憶
程康懶寄書

送判官往新安賦得江路西南水

不向新安去那知江路長
猿聲比廬霍水色勝瀟湘
驛路收殘雨漁家帶夕陽
何須愁旅泊使者有輝光

送裴員外往江南

分務江南遠留懽幙下榮
楓林綠楚澤水驛到盪城
岝草知春晚沙禽好夜驚
風帆幾堪泊處處暮潮清

奉和王相公早春登徐州城

落日憑危堞春風似故鄉
川流通楚塞山色繞徐方
壘依寒草旌旗動夕陽
無我資上策南畝起耕桑

奉和漢祖廟下之作

古廟風煙積春城車騎過
方修漢祖樂更使沛童歌
寢帳巢禽出香煙水霧和
神心降福處應在故鄉多

送普門上人

花宮難久別道者憶千燈
殘雪入林路深山歸寺僧
日

金史四庫全書
卷五十一
光依嫩草泉響滴春冰何用求方便者心是一乘

寄江東李判官

遠懷不可道歷稔勸離憂
洛下聞新雁江南想暮秋
澄清佐八使綱紀素諸侯
地識吳平久才當晉用求
時賢幾殂謝摘藻繼風流
山色臨湖盡猿聲入夢愁
歸程限尺牘王事在扁舟

宿嚴維宅送包七

江湖同避地分手自依依
盡室今為客經秋空念歸
歲

儲無別墅寒服羨隣機草色村橋晚蟬聲野樹稀夜涼
宜共醉時難惜相違何事南鴻侶汀洲忽背飛

送歸中丞使新羅

詔使殊方遠朝儀舊典行浮天無盡處望日計前程暫
喜孤山出長愁積水平野風飄疊鼓海雨濕危旌異俗
知文教通儒有令名還將大戴禮方外授諸生

贈鄭山人

白首滄洲客陶然得此生龐公採藥去萊氏與妻行乍

見還州里全非隱姓名挂帆臨海嶠貫酒秣陵城伐木
吳山曉持竿越水清家人恣貧賤物外任衰榮忽爾辭
林壑高歌至上京避喧心已慣念遠夢初成石路寒花
發江田臘雪明玄纁倘有命何以遂躬耕

夜集張諲所居得飄字

江南成久客門館日蕭條惟有圖書在多傷髻髮凋諸
生陪講誦穉子給漁樵虛室寒燈靜空階落葉飄滄洲
自有趣誰道隱須招

和袁郎中破賊後經剡中山水

武庫分幃幄儒衣事鼓鼙
兵連越徼外寇盡海門西
節比全踈勒功當雪會稽
旌旗迴剡嶺士馬濯靈溪
受律梅初發班師草未齊
行看佩金印豈得訪丹梯

送李錄事赴饒州

北人南去雪紛紛雁叫汀沙不可聞
積水長天隨遠近荒城極浦度寒雲
山從建業千峰起江至潯陽九派分
借問督郵纔弱冠府中年少不如君

送錢唐路少府赴制舉

公車待詔赴長安
客裏新正阻舊歡
遲日未能銷野雪
晴花偏自犯江寒
東溟道路通秦塞
北闕威儀識漢官
其許却說工射策
恩榮請向一枝看

秋日東郊作

閒看秋水心無事
卧對寒松手自栽
廬岳高僧留偈別
茅山道士寄書來
燕知社日辭巢去
菊為重陽冒雨開
淺薄將何稱獻納
臨歧終日自遲迴

同温丹徒登萬歲樓

高樓獨立思依依
極浦遙山合翠微
江客不堪頻北顧
塞鴻何事復南飛
丹陽古渡寒煙積
瓜步空洲遠樹稀
聞道王師猶轉戰
誰能談笑解重圍

宿淮陰南樓酬常伯能

淮陰日落上南樓
喬木荒城古渡頭
浦外野風初入戶
窓中海月早知秋
滄波一望通千里
畫角三聲起百憂
佇立宵分絕來客
煩君步履忽相求

館陶李丞舊居

盛名天下挹餘芳
棄置終身不拜郎
詞藻世傳平子賦
園林人比鄭公鄉
門前墮葉浮秋水
籬外寒臯帶夕陽
日日青松成古木
祇應來者為心傷

寓中感懷

舊國迷江樹
他鄉近海門
移家南渡久
童穉解方言

山館

山館長寂寂
閑雲朝夕來
空庭復何有
落日照青苔

送王司直

西塞雲山遠東風道路長人心勝潮水相送過蕪陽

婕妤怨

花枝出建章鳳管發昭陽借問承恩者雙蛾幾許長

送王翁信還剡中舊居

海岸耕殘雪沙溪釣夕陽客中何所有春草漸省長

和王給事禁省梨花詠

巧解逢人笑還能亂蝶飛春時風入戶幾片落朝衣

同李三月夜作

霜風驚度雁月露皓踈林處處砧聲發星河秋夜深

小江懷靈一上人

江上年年春早江頭日日人行借問山陰遠近猶聞薄
暮鐘聲

送魏十六還蘇州

秋夜深深北送君陰蟲切切不堪聞歸舟明日毗陵道
回首姑蘇是白雲

酬張繼

悵望南徐登北固迢迢西塞恨東關落日臨川問音信
寒潮惟帶夕陽還

送雲陽少府得歸字

渭田春光無遠近池陽谷口倍芳菲官舍村橋來幾日
殘花寥落待君歸

曾山送別

淒淒遊子若飄蓬明月清樽祇暫同南望千山如黛色

愁君客路在其中

同李萬晚望南岳寺懷晉門上人

釋子身心無垢紛獨將衣鉢去人羣
相思晚望松林寺
惟有鐘聲出白雲

寄權器

露濕青蕪時欲晚
水流黃葉意無窮
節近重陽念歸否
眼前籬菊帶秋風

皇甫曾

字孝常與
兄丹齊名

送李中丞歸本道

上將宜分閫，雙旌復去秦。
關河三晉路，賓從五原人。
碣石山通海，滹沱雪度春。
酬恩看玉劍，何處有煙塵。

烏程水樓留別

悠然千里去，惜此一樽同。
客散高樓上，帆飛細雨中。
川程隨淥水，楚思望青楓。
共說前期易，滄波處處通。

送著公歸越

誰能愁此別，到越會相逢。
長憶雲門寺，門前千萬峰。
石

牀埋積雪山路倒枯松漫學白道士無人知去蹤

送韋判官赴闕中

孤棹闕中客雙旌海上軍
路人從北少嶺水向南分野
鶴傷秋別林猿忌夜聞
漢家崇亞相知子遠邀勳

山下泉

漾漾帶山光澄澄倒林影
那知石上喧却憶山中靜

粵嶺四望

漢家仙仗在咸陽
洛水東流出建章
野老至今猶望幸

離宮秋樹獨蒼蒼

包何

字幼嗣
延陵人

送泉州李使君之任

傍海皆荒服分符重漢臣
雲山百越路市井十洲人
執玉來朝遠還珠入貢頻
連年不見雪到處即行春

和孟虔州閒齋即事

古郡鄰江鎖公庭半薜蘿
府寮閒不入山鳥靜偏過
睥睨臨花柳欄杆枕芰荷
麥秋今欲至君聽兩歧歌

送王汶宰江陰

郡北乘流去花間竟日行海魚朝滿市江鳥夜喧城止
酒非闕病援琴不在聲應緣五斗米數日滯澗明

江上田家

近海川原薄人家本自稀黍田期臘酒霜葉是寒衣市
井無相識漁樵夜始歸不須騎馬問恐畏狎鷗飛

和程員外春日東郊即事

郎官休浣憐遲日野老懼娛為有年幾處折花驚蝶夢

數家留葉待蠶眠
藤垂踈地紫珠履
泉迸侵階浸綠錢
直到閉闌朝謁去
鶯聲不散柳含煙

同諸公尋李方直不過

聞說到揚州
吹簫憶舊遊
人來多不見
莫是上迷樓

寄楊侍御

一官何幸得同時
十載無媒獨見遺
今日不論腰下組
請君看取鬢邊絲

長安晚望寄崔補闕

迢遞山河擁帝京參差宮殿接雲平
風吹曉漏經長樂柳帶晴煙出禁城
天淨笙歌臨路發日高車馬隔塵行
自憐久在諸生列未得金閨籍姓名

包佶

字幼正
何之弟

秋日過徐氏園林

迴塘分越水古樹積吳煙
掃竹催鋪席垂蘿待繫船
鳥窺新罅栗龜上半歌蓮屢入忘歸地
長嗟俗事牽

雙山逢信公所居

遙禮前朝塔微聞後夜鐘
人間第四祖雲裏一雙峰
積雨封苔徑多年亞石松
傳心不傳法誰為繼高踪

元日觀百僚朝會

萬國賀唐堯清晨會百僚
御爐分獸炭仙管弄雲韶
日照金觴動風吹玉珮搖
都城獻賦者不得共趨朝

酬兵部李侍郎晚過東廳之作

酒禮慙先祭刑書已曠官
詔馳黃紙速身在絳紗安
聖位登堂靜生徒跪席寒
庭槐暫搖落幸為入春看

昭德皇后挽歌詞

西汜馳暉過東園別路長
歲華唯隴柏春事罷公桑
龜兆開泉戶禽聲閉畫梁
更聞哀禮過明兩制心喪

尚書宗兄使過詩以奉獻

洛下文親滿歸閒意有餘
翻嫌舊坐宅却駕所懸車
腹飽山僧供頭輕侍婢梳
上官惟揖讓半祿代耕鉏
雨散三秋別風傳一字書
勝遊如可繼還欲並園廬

嶺下卧疾寄劉長卿員外

唯有貧兼病能令親愛疎
歲時供放逐身世付空虛
脛弱秋添絮頭風曉廢梳
波瀾喧衆口藜藿靜吾廬
喪馬思開卦占鴉懶發書
十年江海隔離恨子知予

酬于侍郎湖南見寄十二韻

桂嶺千岷斷湘流一派通
長沙今賈傅東海舊于公
章甫經殊俗離騷繼雅風
金閨文作字玉匣氣成虹
拙循名異浮沈顧位同
九遷歸上畧三已契愚衷
貴謝庭中吏悲寬塞上翁
楚材欣有適琢石愧無工
山曉重嵐

外林春苦霧中雪飛翻野鶴波影倒江楓去札頻逢信
回帆早掛空避賢方有日非取愛微躬

近獲風痺之疾題寄所懷

病夫將已矣無可答君恩衾枕同羈客圖書委外孫久
來從吏道常欲奉空門疾走機先息歆行力漸煩無醫
能却老有變是遊魂鳥宿還依伴蓬飄苦問根寓形齊
指馬觀境制心猿唯借南榮地清晨暫負暄

奉和常閣老晚秋集賢院即事寄贈徐薛二侍

郎

秘殿掖垣西書樓苑樹齊秋煙凝縹帙曉色上璇題門
接冰明地池連太液低踈鐘文馬駐繁葉綵禽棲職美
綸將綉紫深組及珪九霄偏眷顧三事早提携對案臨
青玉窺書捧紫泥始懼新過重還指舊遊睽左宦登吳
岫分家渡越溪賦中頻歎鳳卜處幾聽雞望闕應多戀
臨津不用迷柏梁思和曲朝夕候金閨

答竇拾遺卧病見寄

今春扶病移滄海幾度承恩對白花送客屢聞簾外鵲
銷愁已辨酒中蛇瓶開枸杞懸泉水鼎鍊芙蓉伏火砂
誤入塵埃牽吏役羞將簿領到君家

戲題諸判官廳壁

六十老翁無所取二三君子不相遺願留今日交懽意
直到隨官謝病時

朝拜元陵

宮前石馬對中峰雲裏金鋪閉幾重不見露盤迎曉日


唯聞木斧扣寒松

觀壁畫九想圖

一世榮枯無異同百年哀樂又歸空
夜闌烏鵲相爭處林下真僧在定中

酬顧况見寄

于越城邊楓葉高楚人書裏寄離騷
寒江鴻鴈思儔侶歲歲臨流刷羽毛



石倉歷代詩選卷五十一

欽定四庫全書

集部

石倉歷代詩選卷五十二至四

詳校官庶吉士臣范逢恩

侍讀臣孫球覆勘

總校官進士臣朱鈐

校對官編修臣潘曾起

謄錄監生臣狄景通

欽定四庫全書

石倉歷代詩選卷五十二

明 曹學佺 編

中唐六

李嘉祐

字從一
趙州人

江上曲

江心溘溘芙蓉花
江口蛾眉獨浣紗
可憐應是陽臺女
坐對鸕鷀嬌不語
掩面羞看北地人
迴身忽作巫山雨

蒼梧秋色不堪論
千載依依帝子魂
君看峰上斑斑竹
盡是湘妃泣淚痕

傷吳中

館娃宮中春已歸
闔閭城頭鶯已飛
復見花開人又老
橫塘寂寂柳依依
憶昔吳王在宮闕
館娃賣眼看花發
舞袖朝欺陌上春
歌聲夜怨江邊月
古來人事亦猶今
莫厭清觴與綠琴
獨向西山聊一笑
白雲芳草自知心

古興

十五小家女雙鬟人不如蛾眉暫一見可直千金餘自
從得向蓬萊裏出入金輿乘玉趾梧桐樹上春鴉鳴曉
伴君王猶未起莫道君恩長不休婕妤團扇苦悲秋君
看魏帝鄴都裏唯有銅臺漳水流

送裴五歸京口

君罷江西日家貧為一官還歸五陵去只向遠峰看暮
色催人別秋風待雨寒遙知到三徑唯有菊花殘

送嚴維歸越州

艱難只用武歸向淞河東松雪千山暮林泉一水通鄉
心緣綠草野思看青楓春日偏相憶裁書寄剡中

送杜士瞻楚州覲省

風流與才思俱似晉時人淮月歸心速江花入興新雲
深滄海暮柳暗白田春共道官猶小憐君孝養親

送裴宣城上元所居

水流過海稀爾去換春衣淚向檣擲盡身隨鴻雁歸草
思晴後發花怨雨中飛想到金陵渚酣歌對落暉

留別毗陵諸公

久作涔陽令丹墀忽再還
淒涼辭澤國離亂到鄉山
北固灘聲滿南徐草色閒
知心從此別相憶鬢毛斑

送岳州司馬弟之任

岳陽天水外念爾一帆過
野墅人煙迥山城雁影多有
時巫峽色終日洞庭波
丞相今為郡應無勞者歌

送張觀歸素州

美爾湘東去煙花尚可親
綠芳深映鳥遠岫遙迎人
饑

卷之四
卷五十二
秋啼初日殘鶯惜暮春
送憐謝客興佳句又應新

送王正字山寺讀書

欲究先儒教還過支道居
山階閒聽法竹徑獨看書
向日荷新卷迎寒柳半疎
風流有佳句不似帶經鋤

詠螢

映水光難定凌虛體自輕
夜風吹不滅秋露洗還明
向燭仍分焰投書更有情
猶將流亂影來此傍簷楹

至七里灘作

遷客投于越臨江淚滿衣獨隨流水遠轉覺故人稀萬
木迎秋序千峰駐晚暉行舟猶未已惆悵暮潮歸

暮秋遷客增思寄京華

宋玉怨三秋張衡復四愁思鄉雁北至欲別水東流倚
樹看黃葉逢人訴白頭佳期不可失落日自登樓

送蘇脩往上海

愛爾無羈束雲山恣意過一身隨遠岫孤棹任輕波世
事關心少漁家寄宿多蘆花泊舟處江月奈人何

題王十九茆堂

滿庭多種藥入里作山家終日能留客臨寒亦對花
海鷗過竹真門柳拂江沙知爾早棲意題詩美白花

送弘志上人歸湖州

山林唯僻靜行住不妨禪高月穿松逕殘陽過水田
詩從宿世悟法為本師傳能使南人敬脩持香火緣

送陸士倫宰義興

陽羨蘭陵近高城帶水閒淺流通野寺綠茗蓋春山長

吏先愁罷遊人詎肯還知君日清淨無事掩重關

和張舍人中書宿直

漢室留才子春宵直紫微對花闔闔靜過竹吏人稀
草詔催添燭將朝欲更衣玉堂宜歲久且莫厭彤闈

司勳王郎中宅送韋九郎往濠州

憐爾因同舍看書似外家出關逢落葉傍水見寒花
送遠添秋思將衰念歲華清淮倍相憶回首莫令賒

晚春送吉校書歸楚州

詩人饒楚思
淮上及春歸
舊浦菱花待
閒門柳絮飛
高名鄉曲重
少事道流稀
定向漁家醉
殘陽卧釣磯

送冷朝陽及第歸江寧

高第猶佳句
諸生似者稀
長安帶酒別
建業候潮歸
稚子歡迎棹
隣人為掃扉
含情過舊浦
鷗鳥亦依依

送越州辛法曹之任

但能一官適
莫羨五侯尊
山色垂趨府
潮聲自到門
緣塘剡溪路
映竹五湖村
王謝登臨處
依依今尚存

送樊兵曹潭州謁韋大夫

塞鴻歸欲盡
北客始辭春
零桂雖逢竹
湘川少見人
江花鋪淺水
山木暗殘春
脩刺棘門裏
多憐爾為親

送兗州杜別駕之任

停車邀別乘
促軫奏胡笳
若見楚山暮
因愁浙水賒
河堤上殘草
村徑歷繁花
更有堪悲處
梁城春日斜

題裴十六少卿東亭

平津舊東閣
深巷見南山
卷箔嵐煙潤
扶窓竹影閒
傾

茶兼落帽戀客不開關斜照窺簷下川禽時往還

同皇甫侍御題薦福寺一公房

虛室獨焚香林空靜磬長閒窺數竿竹老在一繩牀
啜茗翻真偈燃燈繼夕陽人歸遠相送步履出迴廊

和都管苗員外秋夜寓直對雨簡諸知己

多雨南宮夜仙郎寓直時漏長丹鳳闕秋冷白雲司
螢影侵階亂鴻聲出苑遲蕭條吏人散小謝有新詩

送從弟歸河朔

故鄉那可到，令弟獨能歸。
諸將於旄節，何人重布衣。
空城流水在，荒澤舊村稀。
秋日平原路，蟲鳴桑葉飛。

潤州楊別駕宅送蔣侍御收兵歸揚州

沴氣清金虎，兵威壯鐵冠。
揚旌川色暗，吹角水聲寒。
人對輜輶醉，花垂睥睨殘。
羨歸丞相閣，空望舊門欄。

仲夏江陰官舍寄裴明府

萬室邊江次，孤城對海安。
朝霞晴作雨，濕氣晚生寒。
苔色侵衣桁，潮痕上井欄。
題詩招茂宰，念爾欲辭官。

送袁員外宣慰勸農畢赴洪州使院

聖主臨前殿，憂遣使臣氣。
迎天詔，喜恩發土膏。
春草色催歸，棹鶯啼為送人。
龍沙多道里，流水自相親。

奉陪韋潤州遊鶴林寺

野寺江城近，雙旌五馬過。
禪心超忽辱，梵語問多羅。
松竹閒僧老，雲煙晚日和。
寒塘歸路轉，清磬隔微波。

送上官侍御赴黔中

莫向黔中路，令人到欲迷。
水聲巫峽裏，山色夜郎西。
樹

隔朝雲合猿窺曉月低南方饒翠羽知爾飲清溪

江陰

西望香爐雪十峰晚色新白頭悲作吏黃紙苦催人
多負登山屐深藏漉酒巾傷心公府內手板日相親

送友人入湘

聞說湘川路年年苦水多猿啼巫峽雨月照洞庭波窮
海人還去孤城雁共過青山不可極來往自蹉跎

同皇甫冉赴官留別靈一上人

法許廬山遠詩傳休上人獨歸雙樹宿靜與百花親對
物雖留興觀空已悟身能令折腰客逕賞竹房春

送客遊荊州

草色隨驄馬悠悠共出秦水傳雲夢曉山接洞庭春帆
影連三峽猿聲在四隣青門一分首難見杜陵人

入睦州分水路憶劉長卿

北闕忤明主南方隨白雲
汭灘草色應接海鷗羣
建德潮已盡新安江又分
回看巖子瀨朗詠謝安文雨過

暮山碧猿吟秋日曛吳洲不可到
刷髮為思君

送朱中舍遊江東

孤城郭外送王孫
越水吳洲共爾論
野寺山邊斜有徑
漁家竹裏半開門
青楓獨映搖前浦
白鷺閒飛過遠村
若到西陵征戰處
不堪秋草自傷魂

自蘇臺至望亭驛人家盡空
春物增思悵然有
作因寄從弟紆

南浦菰蒲覆白蘋
東吳黎庶逐黃巾
野棠自發空流水

江燕初歸不見人，遠樹依依如送客。
平田渺渺獨傷春，那堪回首長洲苑。
烽火年年報虜塵。

同皇甫冉登重玄閣

高閣朱欄不厭遊，薰葭白水繞長洲。
孤雲獨馬川光暮，萬井千山海色秋。
清梵林中人轉靜，夕陽城上角偏愁。
誰憐遠作秦吳別，離恨歸心雙淚流。

題遊仙閣白公廟

仙冠輕舉竟何之，薜荔緣階竹映祠。
甲子不知風馭日。

朝昏唯見雨來時
霓旌翠蓋終難過
流水青山空所思
逐客自憐雙鬢改
焚香多負白雲期

送皇甫冉往安宜

江臯盡日唯煙水
君向白田何日歸
楚地蕪葭連海迥
隋家楊柳映堤稀
津樓故市無行客
山館荒城閉落暉
若問行人與征戰
使君雙淚定沾衣

晚發咸陽寄同院遺補

咸陽晚眺淚堪垂
征戰初休草色衰
去路全無千里客

秋田不見五陵兒秦家故事隨流水漢代高墳對古碑
迴首青山獨不語羨君談笑萬年枝

早秋京口旅泊章侍御寄書相問因以贈之時

七夕

移家避寇遂行舟厭見南徐江水流吳越征徭非舊日
秣陵凋弊不宜秋千家閉戶無砧杵七夕何人望斗牛
祇有同時驄馬客偏宜尺牘問窮愁

暮春宜陽郡齋愁坐忽聞枉劉七侍御新詩因

以酬答

子規夜夜啼楮葉遠道逢春半是愁芳草伴人還易老
落花隨水亦東流山臨睥睨恒多雨地接瀟湘畏及秋
惟羨君為周柱史手持黃紙到滄洲

送從弟永任饒州錄事叅軍

一官萬里向千溪水宿山行漁浦西日晚長煙高岫近
天寒積雪遠峰低蘆花渚裏鴻相叫苦竹叢邊猿暗啼
聞道慈親倚門待到時蘭葉正萋萋

送馬將軍奏事畢歸滑州使幕

吳門別後蹈滄州帝里相逢俱白頭
自歎馬卿常帶病還嗟李廣未封侯
棠梨宮裏瞻龍袞細柳營前著豹裘
想到滑臺桑葉落黃河東注荻花秋

春日思家

自覺勞鄉夢無人見
客心空餘庭草色
日日伴愁襟

白鷺

江南綠水多
顧影逗輕波
落日秦雲裏
山高奈若何

題前溪館

兩年謫官在江西舉目雲山望自迷今日始知風土異
潯陽南去鷓鴣啼

過烏公山寄錢起員外

雨過青山猿叫時
愁人淚點石榴枝
無端王事還相繫
腸斷薰葭君不知

寄王舍人竹樓

傲吏身閒笑五侯
西江取竹起高樓
南風不用蒲葵扇

紗帽閒眠對水鷗

李端

字正己嘉祐從子

九日贈司空文明

我有惆悵時待君醉時說
長來逢九日難與菊花別
摘却正開花暫言花未發

留別柳仲庸

惆悵流水時蕭條背城路
離人出古亭嘶馬入寒成
江海正風波相逢在何處

野亭三韻送錢員外

野菊開欲稀寒泉流漸淺幽人步林後歎此年華晚倚
杖送行雲每思故山遠

歸山招王達

日長原野靜杖策步幽巘雉離麥苗陰蝶飛溪草晚我
生好閒放此去殊未反自是君不來非闕故山遠

過谷口元贊善所居

入谷詢君來秋泉已堪涉林間人獨坐月下山相接重

露濕蒼苔明燈照黃葉故交一不見素髮何稠疊

東門送客

綠楊新草路白髮故鄉人既壯還應老遊梁復滯秦逢
花莫漫折能有幾多春

送韓紳卿

春雨昨開花秋霜忽沾草榮枯催日夕去住皆須老君
望漢家原高墳漸成道

古離別

水國葉黃時洞庭霜落夜行舟聞商估宿在楓林下此地送君還茫茫似夢間後期知幾日前路轉多山巫峽通湘浦迢迢隔雲雨天晴見海橋月落聞津鼓人老自多愁水深難急流清霄歌一曲白首對汀洲

折楊柳送別

東城攀柳葉柳葉低于草少壯莫輕年年輕易衰老楊柳發通塘登高堪斷腸雨煙遙漠漠河樹近君鄉贈君折楊柳顏色豈能久上客莫沾巾佳人正迴首新柳送

君行古柳傷君情
突兀臨荒渡
婆婆出舊營
隋家兩岸
盡陶宅五株
平日暮偏愁
望春山多鳥聲

妾薄命

憶妾初嫁君
花鬢如綠雲
迴燈入綺帳
轉面脫羅裙
折步教人學
偷香與客熏
容顏南國重
名字北方聞
一從失恩意
轉覺自傾顛
對鏡不梳頭
倚窗空落淚
新人莫恃新
秋至會無春
從來閉住長門者
必是宮中第一人

巫山高和皇甫拾遺

巫山十二峯皆在碧虛中迴合雲藏日霏微雨帶風猿
聲寒渡水樹色暮連空愁向高唐望清秋見楚宮

送戴徵士還山

柔柔錦臆雉相送到煙霞獨隱空山裏閒門幾樹花草
生楊柳岸鳥轉竹林家不是謀生拙無為末路嗟

送樂平苗明府

本自求彭澤誰云道里賒山從石壁斷江向弋陽斜草
色隨楓樹雲陰暗荻花諸侯舊調鼎應重宰臣家

送郭補闕歸江陽

嘉陵天氣好百里見雙流
帆影緣巴字鐘聲出漢州
綠原春草晚蒼木暮猿愁
正是風流地遊人易白頭

茂陵村行贈何兆

春天黃鳥轉野迳白雲閒
鮮帶依芳草支頤想故人
行九州路樹老五陵間
誰道臨邛遠相如自憶還

長安書事寄盧綸

弱冠家盧岳從師歲月深
翻同老夫見殊寡少年心
及

此時方晏因之名亦沈趨途非要路避事樂空林素紫
在山下清泉當樹陰交遊既凋喪離別代追尋向秀初
聞笛鍾期久罷琴終期入靈洞相與鍊黃金

送友之蜀

東門春尚淺楊柳未成陰馬影愁斜日鶯聲怨故林隋
宮江上遠梁苑雪中深獨有懷歸客難為欲別心

送客赴江陵寄郢州郎士元

露下晚蟬愁詩人舊思秋沅湘莫留滯宛洛此遨遊飲

卷五十二
馬逢黃菊離家值白頭
竟陵明月夜為上庾公樓

雨後遊輞川

驟雨歸山靜
頰陽入輞川
看虹登野墅
踏石過春泉
紫葛藏仙井
黃花出野田
自知無路去
迴步就人煙

送友人南遊

聞說湘川路
年年古木多
猿啼巫峽雨
月照洞庭波
窮海人還去
孤城雁共過
青山不可到
來往獨蹉跎

寄上舍人叔

車馬朝初下看山憶獨尋
會知逢水盡且愛入雲深
殘雨開斜日新蟬發迥林
阮咸雖別巷遙識此時心

送丘丹歸江東

故山霜落久才子憶荆扉
旅舍尋人別秋田逐雁歸
夢愁楓葉盡醉惜菊花稀
肯學求名者經年未拂衣

送鄭侍御赴洪州

草色隨驄馬悠悠共出秦
水連雲夢曉山接洞庭春
帆影連三峽猿聲在四隣
青門一分手難見杜陵人

奉秘書元丞杪秋憶終南舊居

高門有才子能履古人踪
白社陶元亮青雲阮仲容
田園忽歸去車馬杳難逢
廢巷臨秋水支頤向暮峰
行魚避楊柳驚鴨觸芙蓉
石竇紅泉細山橋紫霧重
鳳雛終食竹鶴侶暫巢松
願接煙霞賞羈離計未從

暮春尋終南柳處士

龐眉一居士鶉服隱堯時
種豆初成畝還丹舊日師
入溪花逕遠向嶺鳥行遲
紫葛垂苔壁青菰映柳絲
偶來

塵外事暫與素心期
終恨遊春客同為歲月悲

青龍寺題故曇上人房

遠公留故院一逕雪中微
童子逢皆老門人問亦稀
翻經徒有處携履遂無歸
空念每巢鶴時來傍影飛

宿雲際寺贈深上人

暫別青藍寺今來髮欲斑
獨眠孤燭下風雨在前山
壞宅終須去空門不易還
支公有方便一願啟玄關

山中期張芬不至

石堤春草碧雙燕向西飛
悵望雲天暮佳人何處歸
藥欄蟲網遍苔井水痕稀
誰道徂康嬾山中自掩扉

訓前大理評事張芬

君家舊林壑寄在亂峰西
近日春雲滿相思路亦迷
聞鐘投野寺待月過前溪
悵望成幽夢依依識故蹊

卧病別鄭錫

病來無事喜多卧竹林間
此日一相見明朝還掩關
幽人愛芳草志士惜頽頽
歲晏不我棄期君在故山

茂陵山行招金部韋員外

宿雨朝來歇空山
天氣清盤雲雙鶴
下隔水一蟬鳴
古道黃花落平蕪
赤燒生茂陵
雖有病猶得伴君行

送耿漳江外括圖書

驅傳草連天
回風滿樹蟬
將過夫子宅
前問孝廉船
漢史收三篋
周詩採百篇
別君終有淚
不是怨流年

宿華陽洞寄元稱

花洞晚陰陰
仙壇隔杏林
漱泉春谷冷
擣藥夜牕深
石

上開山酒松間對玉琴戴家溪北住雪後去相尋

晚秋旅舍寄苗員外

爭途苦不前貧病遂車牽向暮同行客當秋獨長年晚
花唯有菊寒葉已無蟬吏部逢今日還應瓊下眠

早春雪夜寄盧綸呈秘書元丞

聞君隨謝朓春夜宿前川看竹雲垂地尋僧雪滿船熊
寒方入樹魚樂稍離泉獨是羈愁客唯知惜故年

元丞宅送朝澹及第東歸覲省

登龍魚折桂歸去賞高居
舊楚楓猶暗前隋柳已疎
月中逢海客浪裏得鄉書
見說江邊住知君不厭魚

卧病寄閩家

病中貪好景強步出幽居
紫葛垂山徑黃花繞野渠
荒林飛老鶴敗堰過遊魚
縱憶同年友無人可寄書

遊終南山因寄蘇奉禮王尊師苗員外

半嶺逢仙駕清晨獨採芝
壺中開白日霧裏卷朱旗
猿鳥知歸路松蘿見會時
雞聲傳洞遠鶴語報家遲
童子

閒驅石樵夫樂看棋依稀醉後拜恍惚夢中辭海上終
難接人間益自疑風塵甘獨老山水但相思願得燒丹
訣流沙永侍郎

山下泉

碧水映丹霞濺濺度淺沙暗通山下草流出洞中花素
色知雲落喧聲繞石斜明朝更尋去應到阮郎家

逢王泌自東京至

逢君自鄉至雪涕問田園幾處生喬木誰家在舊村山

峯橫二室水色映千門愁見游從處如今花正繁

送友人遊江東

江上花開盡南行見杪春鳥聲悲古木雲影入通津反
景斜芳草迴潮暗動蘋謝公今在郡應喜得詩人

送衛雄下第歸同州

不才先上第詞客却空還邊地行人少平蕪盡日閒一
蟬陂樹裏衆火隴雲間羨汝歸茅屋書牕見遠山

山中期吉中孚

行人路不同花落
到山中水暗薰葭
葭霧月明楊柳風
年華驚已擲志業
颯然空何必龍鍾
後方期事遠公

雲際中峰

自得中峰住深林
亦閉關經秋無客
到入夜有僧還暗
澗泉聲小荒村樹
影閒高牕不可望
星月滿空山

贈衡岳隱禪師

舊住衡州寺隨緣
偶北來夜禪山雪
下朝汲寺門開半
偈傳初盡羣生意
未回唯當與樵者
倚杖入天台

送何北下第還蜀

重江不可涉，孤客莫晨裝。
高木蒹葭城，小殘星棧道。
長褭猿楓子，落過雨荔枝香。
勸爾成都住，文翁有學堂。

送新城戴叔倫

遙想隋堤路，春天楚國晴。
白雲當海斷，青草隔淮生。
雁起斜還直，潮迴遠復平。
萊蕪不可到，一醉送君行。

送雍丘任少府

叢車餞才子，路走許東偏。
遠水同春色，繁花勝雪天。
鳥

行侵楚邑樹影向殷田莫學生鄉思梅真正少年

送雍鄂州

厭郎思出守遂領漢東軍望月逢殷浩緣江送范雲城
閒煙草徧浦迴雪林分誰伴樓中宿吟詩估客間

岳陽逢司空文明得關中書

共有髫年故相逢萬里餘新春兩行淚舊國一封書夏
口帆初泊涇陽雁正疎唯應報杯酒暫食漢江魚

過宋州

睢陽陷虜日外絕救兵來世亂忠臣死時清明主哀荒
郊春草徧古壘野花開欲為將軍哭東流水不迴

宿深上人房聽遠泉

泉聲宜遠聽入夜對支公斷續來方盡潺湲咽又通何
年出石下幾里在山中君問源窮處禪聲與此同

與蕭遠上人遊少華山寄皇甫侍御

萼危魚採藥渡水又登山獨與高僧去逍遙落日聞漸
看閭里遠自覺性情閒迴首知音在因令悵望還

題崔端公園林

上士愛清輝，開門向翠微。
抱琴看鶴去，枕石待雲歸。
野坐苔生席，高眠竹挂衣。
舊山東望遠，惆悵暮花飛。

留別故人

此別不可道，此心當語誰。
春風灞水上，飲馬桃花時。
誤作好文士，祇應遊宦遲。
留書下朝客，我有故山期。

都亭驛送郭判官之幽州幕府

幕府參戎事，承明仗奏歸。
都亭使者出，杯酒故人違。
細

雨霑官騎輕風拂容衣還從大夫後吾黨亦光輝

襄陽曲

襄陽堤路長草碧柳枝黃誰家女兒臨夜妝紅羅帳裏
有燈光雀釵翠羽動明璫欲出不出脂粉香同居女伴
正衣裳中庭寒月白如霜賈生十八稱才子空得門前
一斷腸

野寺病居嘉盧綸見訪

青青麥隴白雲陰野寺無人春草深乳燕拾泥依古井

鳴鳩拂羽歷花林
千年駭薛明山腹
萬尺垂蘿入水心
一卧漳濱今欲老
誰知才子更相尋

送濮陽錄事赴忠州

成名莫歎雙旌遠
主印還為一郡雄
赤葉黃花隨野岫
青山白水映江楓
已人夜話孤舟裏
越鳥春啼衆壑中
聞說古書多未校
肯令才子久西東

宿淮浦憶司空文明

愁心一倍長離憂
夜思千重戀昔遊
秦地故人成遠夢

楚天涼雨在孤舟諸溪近海潮皆應獨樹邊淮葉盡流
別恨最深何處寫前程唯有一登樓

夜投豐德寺謁海上人

半夜中峰有磬聲偶尋樵者問山名上方月晚聞僧語
下界林疎見客行野鶴巢邊松最老毒龍潛處水偏清
願得遠公知姓字焚香洗鉢過餘生

題故將軍莊

曾將數騎過桑乾遙對單于飲馬鞍塞北征兒諳用劍

闕西宿將許登壇田園蕪沒歸耕晚弓箭凋疎出獵難
唯有老身如刻盡猶期聖主解衣看

溪行逢雨與柳中庸

日落衆山昏蕭蕭暮雨繁那堪兩處宿共聽一聲猿

聽箏

鳴箏金粟柱素手玉房前欲得周郎顧時時誤拂絃

拜新月

開簾見新月便即下階拜細語人不聞北風吹裙帶

送暎上人遊春

獨將支遁去欲往戴顓家
晴野人臨水春山樹發花

江上送客

故人南去漢江陰
秋雨蕭蕭雲夢深
江上見人應下淚
由來遠客易傷心

長門怨

金壺漏盡禁門開
飛燕昭陽侍寢迴
隨分獨眠秋殿裏
遙聞笑語自天來

送劉侍御

幾人同入謝宣城未及酬恩隔死生
唯有夜猿知客恨
嶧陽溪路第三聲

盧綸

字允言
河中人

大白西峰偶宿書懷

弱齡魚味鄙遇勝惟求止如何羈旅中
得步青冥裏青冥有住叢冰雪兩仙翁
毛節未歸海丹梯間倚空逍遙擬上清
玉洞不知名醮罷雨當至容辭山忽明
山明鳥

聲樂日氣生石壑石壑樹脩脩白雲如水流白雲消散
盡壠堦儼然秋積阻山河固綿聯烽戍稠五雲冰廣畧
四野失邊愁吁嗟繫塵役久負靈山迹芝朮自芳香塵
沙幾沈弱書此欲沾衣平生事每違煙霄不可仰鸞鶴
任追隨

桃源

春雨夜不散夢中山亦陰雲中碧潭水路暗紅花林花
木自深淺無人知古今

同吉中孚夢桃源

夜靜春夢長夢逸仙山客園林滿芝朮雞犬傍籬柵幾
處花下人看予歎頭白

秋中野望寄舍弟綬兼令呈上西川尚書舅

憂來思遠望高處殊非愜夜露濕蒼山秋陂滿黃葉人
隨雁迢遞棧與雲重疊骨肉暫分離形神遂疲薈紅旌
渭陽騎幾日勞登涉蜀道藹松筠巴江盛舟楫因求種
瓜利自喜歸耕捷井臼賴依隣兒童亦勝汲塵容不在

照雪鬢那堪鑷唯有食霞心悠然與天接

遊石筍溪

朝日照靈山山溪浩紛錯圖書無舊記
鱗禹應新鑿雙壁瀉天河一峯吐蓮萼
潭心亂雪卷岩腹繁珠落彩蛤攢錦囊
芳蘿媯花索猿聲曝暘嶺龍穴腥陰壑
靜得漁者言聞祠山博歌松倚朱憶廣
石屯油幙國泰事留侯山春縱康樂問
闕殊狀鳥爛熳無名藥欲驗少君方
長吟大隱作旌幢不可駐古塞新沙漠

送顧秘書歸岳州

黃葉落不盡蒼苔隨雨生
當軒置尊酒送客歸江城
竹裏聞機杼舟中見弟兄
岳陽賢太守應為改鄉名

送夏侯校書歸華陰別墅

山前白鶴村竹雪覆柴門
候客定為黍務農因燎原
乳水懸暗井蓮石照晴軒
賞酒隣里睦曝衣塲圃喧
依然望君去子往亦黃昏

和考功員外杪秋憶終南舊居

靜憶溪邊宅，知君許謝公。
曉霜凝未耜，初日照梧桐。
澗鼠喧藤蔓，山禽竄石叢。
白雲當嶺雨，黃葉繞階風。
野果垂橋上，高泉落水中。
懽榮來自閭，羸賤賞曾通。
月滿珠藏海，天晴鶴在空。
餘音如可寄，願得隱牆東。

和太常王卿秋日即事

嵩高雲日明，潘岳賦初成。
籬槿花無色，階桐葉有聲。
絳紗垂簾淨，白羽拂衣輕。
鴻雁悲天遠，龜魚覺水清。
別絃添楚思，牧馬動邊情。
田雨農官問，林風苑吏驚。
松篁終

茂盛蓬艾自衰榮
遙仰憑軒夕唯應
善宋生

和太常李主簿秋中山下別墅即事

清秋未幾時
宋玉已先知
曠朗霞映竹
澄明山滿池
葺橋雙鶴赴
收果衆猿隨
韶樂方今奏
雲林徒蔽虧

七夕詩

祥光若可求
閨女夜登樓
月露浩方下
河雲凝不流
鉛華潛警曙
機杼暗傳秋
回想斂餘暎
人天俱向愁

閏月七夕

涼風吹玉露河漢憶幽期星彩光仍隱雲容掩復離良
宵驚曙早閨歲怨秋遲何事金閨子空傳得網絲

從軍行

二十在邊城軍中得勇名卷旗收敗馬占磧擁殘兵覆
陣烏鳶起燒山草木明塞閑思遠獵師老厭分營雪嶺
無人跡冰河有雁聲李陵甘此沒惆悵漢公卿

代員將軍罷戰後歸舊里贈朔北故人

結髮事疆場全生俱到鄉連雲防鐵嶺同日破漁陽牧

馬胡天晚移軍磧路長枕戈眠古戍吹角立繁霜歸老
勳仍在酬思虜未忘獨行過邑里多病對農桑雄劍依
塵索陰符寄藥囊空餘麾下將猶遜羽林郎

夜中得循州趙司馬侍郎書因寄回使

瘴海寄雙魚中宵達我居兩行燈下淚一紙嶺南書地
說炎蒸極人稱老病餘殷勤報賈傅莫共酒杯踈

尋賈尊師

玉洞秦時客焚香映綠蘿新傳左慈訣曾與右軍鷲井

白陰苔徧方書古字多成都今日雨曾與酒相和

題李沆林園

古巷牛羊出重門接柳陰閒者入竹路自有向山心種
藥齋幽石耕田到遠林願同詞賦客得興謝家深

過司空曙村居

南北與山隣蓬巷庇一身繁霜疑有雪枯草似無人遂
性在耕稼所交惟賤貧何言張掾傲每重德璋親

春日過李侍御

高柳滿春城東園有鳥聲折花朝露滴漱石野泉清心
許陶令醉詩逢謝客呈應憐未行吏曾是魯諸生

同薛存誠登栖霞寺

衰蹇步難前上山如上天塵泥來自晚猿鶴到何先萬
壑應孤磬百花通一泉蒼蒼此明月下界正沈眠

泊揚子江岸

山映南徐暮千帆入古津魚驚出浦火月照渡江人清
鏡催雙鬢滄波寄一身空憐莎草色長接故園春

送李端公

故關衰草徧離別自堪悲
路出黃雲外人歸暮雪時
少
旅為客早多難識君遲
掩淚空相向風塵何處期

送何台落第歸蜀

褒斜行遠客棧道響危空
路濕雲初上山明月正中水
程通海貨地利雜吳風
一別金門遠何人復薦雄

送元昱尉義興

欲成雲海別一夜夢天涯
白浪緣江雨青山繞縣花
風

標當劇步冠帶稱儒家去矣謝親愛知子髮已華

落第後歸終南別業

久為名所誤春盡始歸山落羽羞言命逢人強破顏交
疎貧病裏身老是非間不及東溪月漁翁夜往還

卧病書懷

苦心三十載白首遇艱難舊地成孤客全家賴釣竿貌
衰緣藥盡起晚為山寒老病今如此無人更問看

送王錄事赴任蘇州

古堤迎拜路萬里一帆前潮作澆田雨雲成煮海煙吏
閑唯重法俗富不憂邊西掖今宵詠還應寄阿連

慈恩寺石磬歌

靈山石磬生海西海濤平處與山齊長眉老僧同佛力
呪使鮫人往求得珠穴沈成綠浪痕天衣拂盡蒼苔色
星漢徘徊山有風禪翁靜扣月明中羣仙下雲龍出水
鷹鶴交飛半空裏城精木魅不可聽落葉秋砧一時起
花宮杳杳響泠泠無數沙門昏夢醒古廊燈下見行道

疎林池邊聞誦經徒壯洪鍾秘高閣萬金費盡工雕鑿
豈如全質掛青松數葉殘雲一片峰吾師寶之壽中國
願同劫石無終極

宴席賦得姚美人拍箏歌

出簾仍有鈿箏隨見罷翻令恨識遲微妝浩腕纏紅袖
深過朱絃低翠眉忽然高張應繁節玉指迴旋若飛雪
鳳簫韶管寂不喧繡幕紗牕儼秋月有時輕弄和郎歌
慢處聲遲情更多已愁紅臉能佯醉又恐朱門難再過

昭陽伴裏最聰明出到人間纔長成
遙知禁曲難翻處
猶自君王說小名

難綰刀子歌

黃金鞘裏青蘆葉麗若剪成鋸且
翼輕冰薄玉狀不分
一尺寒光堪決雲吹毛可試不可
觸似有虫搜闕裂文
淬之幾墮前池水馬知不是蛟龍
子割雞刺虎皆若空
願應君心逐君指并州難綰竟何
人每成此物如有神
早春歸盤屋舊居却寄耿拾遺緯
李校書端

野日初晴麥隴分竹園千畝鹿成羣萬家廢井生新草
一樹繁花對古墳引水忽驚冰滿澗向田空見石和雲
可憐荒歲青山下惟有松枝好寄君

長安春望

東風吹雨過青山却望千門草色閒家在夢中何日到
春生江上幾人還川源繚繞浮雲外官闕參差落照間
誰念為儒逢世難獨將衰鬢客秦關

晚次鄂州

雲開遠見漢陽城，猶是孤帆一日程。
估客晝眠知浪靜，舟人夜語覺潮生。
三湘愁鬢逢秋色，萬里歸心對月明。
舊業已隨征戰盡，更堪江上鼓鼙聲。

夜投豐德寺謁海上人

半夜中峰有磬聲，偶逢樵者問山名。
上方月曉聞僧語，下界林疎見客行。
野鶴巢邊松最老，毒龍潛處水偏清。
願得遠公知姓字，焚香洗鉢過浮生。

酬李端公野寺病居見寄

野寺鐘昏山正陰
亂藤高竹水聲深
田夫就餉還依草
野雉驚飛不過林
齋沐暫思同靜室
清羸已覺助禪心
寂寞日長誰問疾
料君惟取古方尋

長安疾後首秋夜即事

九重深鎖禁城秋
月過南宮漸映樓
紫陌夜深柰露滴
碧空雲盡火星流
清風刻漏傳三殿
甲第歌鐘樂五侯
楚客病來鄉思苦
寂寥燈下不勝愁

至德塗中書事却寄李憫

亂離無處不傷情，况復看碑對古城。
路繞寒山人獨去，月臨秋水雁空驚。
顏衰重喜歸鄉國，身賤多慚問姓名。
今日主人還共醉，應憐世故一儒生。

哭司農苗主簿

原頭殯御繞新營，原下行人望哭聲。
更想秋山連古木，唯應石上見君名。

逢病軍人

行多有病住無糧，萬里還鄉未到鄉。
蓬底哀吟古城下，

不堪秋氣入金瘡

春日憶司空文明

桃李風多日欲陰
百勞飛起落花深
貧居靜處難逢信
知隔春山不可尋

曲江春望

翠黛紅妝畫鷁中
共驚雲色帶微風
簫管曲長吹未盡
花南水北雨濛濛

石倉歷代詩選卷五十二